

4 და 5 აგვისტოს გაიმართა სსრ კავშირის საფეხბურთო ჩემპიონატი.

თბილისის დინამოელებმა თავიანთ მინდორზე ოდესის „ჩერნომორეცი“ მიიღეს. თვით ეს მატჩი, თავისთავად, დიდ ინტერესს იწვევდა, მაგრამ ახლა არ შეიძლება არც ერთი თამაშის განხილვა იმ საერთო ანტურაჟის გარეშე, რომელიც ახლა თბილისის „დინამოს“ გარშემოა შექმნილი. უპირველესად, ჩვენ გვინტერესებს, ცხრილში ახლო მეგობლების ალმა-ათის „კაირატის“, ბაქოს „ნეფთჩის“, ღონეცკის „შახტიორისა“ და მინსკის „დინამოს“ შეხვედრათა შედეგები.

განვლილ ტურში ბაქოელმა ფეხბურთელებმა შინ ქულა დაკარგეს „დნეპრთან“ შეხვედრაში, „კაირატმა“ მარცხი იწვნია მინსკში, ხოლო „შახტიორმა“ გუშინ ითამაშა მოსკოვის „დინამოსთან“. თბილისის „დინამოს“ ზედიზედ მეორე გამარჯვებასთან დაკავშირებით საერთო დამაკმაყოფილებელი ვითარება იქმნება და, თუმცა ჯერ ადრეა ლაპარაკი იმაზე, რომ ჩვენმა გუნდმა საბოლოოდ დააღწია თავი სახიფათო ზონას, მაინც შეგვიძლია აღვნიშნოთ, რომ დინამოელები გაცილებით უკეთ თამაშობენ, ვიდრე უწინ. იგრძნობა მათი მობილიზება, სწრაფვა გამარჯვებისკენ, კოლექტიურობა, გაუმჯობესდა გუნდის ტაქტიკური გეგმა, ურთიერთობანი ცალკეულ რგოლებს შორის. ერთი სიტყვით, ყველაფერი ის, რაც ამ მცირე ხნის წინ ასე აშკარად აკლდა ჩვენს გუნდს.

მატჩი ოდესის „ჩერნომორეცთან“ უძნელესი იმითაც იყო ჩვენი გუნდისთვის ამ ეტაპზე, რომ ოდესელები სატურნირო ცხრილის შუაგულში იმყოფებიან, მაგრამ საკმარისი იყო მცირეოდენი წარმატება და ისინი პირველ ნახევარში გადაინაცვლებდნენ. ამიტომაც „ჩერნომორეცი“ ყველაფერს გააკეთებდა გამარჯვებისთვის. ამრიგად, საკავშირო ჩემპიონატის მე-17 ტურში, საინტერესო მატჩი თბილისის სტადიონზე.

„დინამო“ (თბილისი) – „ჩერნომორეცი“ (ოდესა) – 2:0 (2:0)

თბილისი. ვ. ი. ლენინის სახელობის „დინამოს“ სტადიონი. 4 აგვისტო.

„დინამო“ გაბელაია, კეტაშვილი, თეთრაძე (გოგიჩაიშვილი, 29), ჭელია, არზიანი, რევიშვილი, სვანაძე, სულაქველიძე, ცაავა, გურული, მესხი (ცვეიბა, 50).

„ჩერნომორეცი“: ჟუკოვი, კუზნეცოვი, სპიცინი, იშჩაკი, პლოსკინა, ტრეტიაკი, ჟარკოვი, შჩერბაკოვი (გუშჩინი, 70), ნაკონენჩინი, ზირჩენკო, პერეპაძენკო (გუსევი, 46).

მსაჯი ა. გორინი (კიშინიოვი).

თამაში იმით დაიწყო, რომ ოდესეღონა მარცხენა გარემარბი პერეპადენკო გაეცა დინამოელთა მცველებს და ძლიერად დაარტყა კარში. ბურთი მიზანს ასცდა და ეს იყო მეტად სახიფათო მომენტი, რომელსაც შეეძლო გარკვეული დალი დაემჩნია მთელი თამაშისთვის, ვინაიდან პირველ წუთებზე გაშვებულ ბურთს დიდი მნიშვნელობა აქვს ასეთ მატჩებში.

მასპინძლებმა სასწრაფოდ გადაიტანეს თამაში წინ, მეტოქის ნახევარზე. მე-10 წუთზე სვანაძემ ასეთივე სახიფათო მომენტი შექმნა უეკიუს კართან და, თუმცა, ეს ბურთიც მიზანს ასცდა, ცხადი იყო, რომ უპირატესობა მყარად ეპყრათ მასპინძლებს. ისინი უტევდნენ მთელი გუნდით, გაშლილად, კომბინაციურად. ასეთი კოლექტიური შეტევა განავითარეს მატჩის მე-16 წუთზე, როცა „ჩერნომორეცის“ საჯარიმო მოედანზე რამდენიმე მოიერიშე ფეხბურთელი შეიჭრა. ეს სწრაფი შეტევა ზუსტი დარტყმით დაამთავრა ცაავამ - 1:0.

ეს მანევრი მასპინძლებმა რამდენიმეჯერ გაიმეორეს. ისინი კარგად იყენებდნენ ოდესეღონა მარჯვენა მცველის კუბნეცოვის პოზიციურ შეცდომას, რომელიც ხშირად ტოვებდა თვის ადგილს. 25-ე წუთზე ცენტრში წამოწყებული შეტევის შემდეგ ბურთი მარცხენა ფრთაზე მიიღო რევიშვილმა. იგი წამით დაუცველი აღმოჩნდა და ეს საკმარისი აღმოჩნდა ბურთის მიღების, დამუშავებისა და დარტყმისთვის. ოდესეღონებს კვლავ მოუხდათ თამაშის დაწყება ცენტრიდან - 2:0.

ორი გოლი პირველ ტაიმში საკმარისი უპირატესობაა საბოლოო გამარჯვების მისაღწევად, მაგრამ ეს ბურთები გავიდა უაღრესად დაძაბული ბრძოლის ვითარებაში. სტუმრები ყველაფერს აკეთებდნენ მდგომარეობის გამოსასწორებლად და „დინამოს“ მეკარე გაბელიას არაერთხელ მოუხდა უძნელესი ბურთების მოგერიება. შესვენებამდეც და მეორე ტაიმშიც მან თავისი გუნდი რამდენიმეჯერ გადაარჩინა აშკარა ხიფათს.

მეორე ტაიმში ოდესეღონებმა საგრძნობლად გააძლიერეს თამაში. მთელ რიგ პერიოდებში მათ უპირატესობაც ჰქონდათ და აქ, საჭიროა ითქვას, რომ დინამოელებმა კვლავ გამოიჩინეს მაღალი საბრძოლო თვისებები ოდესეღონა იერიშების მოსაგერიებლად. დაცვისა და ნახევარდაცვის მოთამაშეებს დიდი დატვირთვა აწვათ. ეს არ იყო იოლი მატჩი და იოლი გამარჯვება. თბილისის „დინამოს“ კვლავ მთელი ძალების მობილიზება დაჭირდა, რათ ბოლომდე მიეყვანა გამარჯვება და ეს მნიშვნელოვანი მატჩიც მოიგო.

ამრიგად, 4 ქულა ბოლო ორ მატჩში საკმარისი შენაძენია ჩვენი გუნდისთვის. მაგრამ სწორი არ იქნება თბილისის „დინამოს“ ძნელი პრობლემები ამით გადაჭრილად ჩავთვალოთ. ამჟამად შექმნილი მდგომარეობის მიხედვით, პირველ ყოვლისა, ეს თვით დინამოელებმა უნდა იცოდნენ, ვინაიდან ეს შტურმი ქულების მოსაპოვებლად, რომელიც მოსკოვის „სპარტაკთან“ დავინწყეთ, არავითარ შემთხვევაში არ უნდა შენელდეს. დინამოელებს ახლა ზედიზედ 3 მატჩი აქვთ ჩასატარებელი

მეტოქეთა მინდვრებზე. 9 აგვისტოს მე-18 ტურში თბილისის „დინამო“ თავის ერთ-ერთ უმთავრეს კონკურენტს დონეცკის „შახტიორს“ ხვდება, შემდეგ, 13 აგვისტოს დნეპროპეტროვსკში მიემგზავრება „დნეპრთან“ სათამაშოდ, ხოლო მე-10 ტურის მატჩს 17 აგვისტოს ჩაატარებს მოსკოვის „დინამოსთან“. საკავშირო ჩემპიონატის სამი შეხვედრა სტუმრად იოლი საქმე არაა. ახლანდელ ქულას კიდევ ესაჭიროება „გამაგრება“, კვლავაც თავგამოდებით იბრძოლოს, რათა 20-ე ტურისათვის, როცა შინ ვლებულობთ ბაქოს „ნეფთჩის“, აუტსაიდერთა რიგებიდან თვის დაღწევის საიმედო გარანტია შეიქმნას.

ჩვენი გუნდის გულშემატკივრებმა იციან, რომ თბილისის „დინამოს“ შემადგენლობაში საკმარისადაა ცვლილებები. კერძოდ, განვლილ ურთულეს მატჩში „ჩერნომორეცთან“ საუკეთესო მოთამაშის პრიზი დაიმსახურა ვახა გოგიჩაიშვილმა. ბევრ გულშემატკივარს აინტერესებს იმ ახალგაზრდა ფეხბურთელის ვინაობა. კ. გოგიჩაიშვილი დაიბადა 1968 წელს, თამაშობდა თბილისის ნორჩ ფეხბურთელთა სპეციალიზებულ სკოლებში, მერე - თბილისის „შევარდენი“-სპი-ში, შემდეგ იგი მიიწვიეს ლანჩხუთის „გურიაში“, სადაც ოსტატთა გუნდების შეხვედრათა გამოცდილება მიიღო. ახლა კი წარმატებით გამოდის თბილისის „დინამოს“ შემადგენლობაში.

„ლელოს“ ფეხბურთის განყოფილება

6.08. 1988